



Broj: 01-01-34-0522/19
Datum: 05.03.2019. godine

Na osnovu člana 32. Zakon o ustanovama („Službeni list RBiH“, broj: 6/92, 8/93 i 13/94), te člana 64. stav 1. (Najniža cijena), 65. i 70. stav 1., 3. i 6. Zakona o javnim nabavama („Službeni glasnik BiH“, broj 39/14), člana 10. Pravilnika o postupku dodjele ugovora o uslugama iz Anexa II. dio B Zakona o javnim nabavkama („Službeni glasnik BiH“, broj: 66/16), kao i člana 13. stav 2. Pravilnika o javnim nabavkama roba, usluga i radova u JU „Služba za zapošljavanje Kantona Sarajevo“ Sarajevo, br.: 05/1-0544-UO/15 od 30.03.2015. godine, 09/1-3012-UO/17 od 29.12.2017. godine, a na osnovu Preporuke Komisije za nabavke, broj: 09/3-0521/19 od 05.03.2019. godine, u postupku nabavke advokatskih usluga na koje se primjenjuje poseban režim za potrebe Javne ustanove „Služba za zapošljavanje Kantona Sarajevo“ Sarajevo, direktor donosi

ODLUKU
o izboru ponuđača za Advokatske usluge

Član 1.

Prihvata se Preporuka Komisije za nabavku, broj: 09/3-0521/19 od 05.03.2019. godine da se ugovor za nabavku advokatskih usluga za potrebe Javne ustanove „Služba za zapošljavanje Kantona Sarajevo“ Sarajevo, dodjeli ponuđaču: advokat Švrakić Kemal za ponuđenu cijenu do 1.500,00 KM bez PDV-a.

Član 2.

Za izvršenje ove odluke zadužuje se i ovlašćuje Jedinica za nabavku Javne ustanove „Služba za zapošljavanje Kantona Sarajevo“ Sarajevo.

Član 3.

Ova odluka objavit će se na web-stranici www.szks.ba, istovremeno s upućivanjem ponuđačima koji su sudjelovali u postupku nabavke, shodno članu 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su sudjelovali u postupku nabavke, shodno članu 71. Zakona o javnim nabavkama.

O b r a z l o ž e n j e

Odlukom o pokretanju postupka nabavke advokatskih usluga za potrebe javne ustanove na koje se primjenjuje poseban režim, broj: 01-01-0350/19 od 08.02.2019. godine odobreno je pokretanje ovog postupka.

Javni poziv za nabavku advokatskih usluga objavljen je 11.02.2019.godine za potrebe Javne ustanove „Služba za zapošljavanje Kantona Sarajevo“ Sarajevo.

Javna nabavka provedena je u skladu sa odredbama Pravilnika o postupku dodjele ugovora o uslugama iz Anexa II. dio B Zakona o javnim nabavkama („Službeni glasnik BiH“, broj: 66/16).

Komisija za nabavke Preporuku donijela na temelju kriterija specijalizacije za sporove, iskustva te ostalih bitnih kriterija navedenih u Preporuci.

Naime, za potrebe sačinjavanja odgovora na tužbu radnika u radno-pravnom sporu te zastupanja Službe pred Sudom izabran je advokat Švrakić Kemal iz razloga što je specijaliziran za radno pravne sporove i svoje usluge naplaćuje po izvršenom poslu u skladu sa advokatskim tarifama.

Komisija je zaprimila i ponudu Advokata Azre Čakrama, te je utvrdila da je ista blagovremena sa urednim dokazima o ispunjenosti uslova iz člana 45. i 52. Zakona. Ponuđač je ponudio cijenu od 1.369,22 KM bez PDV-a za pružanje Advokatskih usluga do kraja 2019. godine, što je u suprotnosti sa Javnim pozivom za dostavu advokatskih usluga gdje je traženo da ponuđači dostave ponude u kojoj će iskazati spremnost za pružanje usluga pravnog i savjetodavnog zastupanja za period do 31.03.2019. godine. Na osnovu gore navedenog Komisija smatra da je ponuda ponuđača Advokata Azra Čakrama blagovremena, ali da sadržajno ne odgovara zahtjevima iz Javnog poziva i kao takva se ne može razmatrati.

Pouka o pravnom lijeku:

Protiv ove odluke može se izjaviti žalba, najkasnije u roku od 30 (deset) dana od dana objave obavještenja o dodjeli ugovora shodno članu 101. stav (4) tačka b) Zakona o javnim nabavkama.



Dostaviti:

- Učesniku/cima postupka javne nabavke,
- Komisija za nabavke,
- Evidencija,
- Arhiva.

UGOVOR
o pružanju advokatskih usluga, broj: 01-01-34-0523/19

Zaključen dana 05.03.2019. godine

UGOVORNE STRANE

- 1. Javna ustanova „Služba za zapošljavanje Kantona Sarajevo“ Sarajevo, ul. Đoke Mazalića broj 3, koju zastupa vd direktor Muhamed Bekto (u daljem tekstu: Naručilac)**
- 2. Advokat Kemal Švrakić iz Sarajeva, ul Jošanička broj: 55, (u daljem tekstu: Izvršilac)**

UVODNE ODREDBE

Član 1.

Ovim ugovorom, na osnovu provedenog postupka javne nabavke usluge nabrojane u Aneksu II dio B Zakona o javnim nabavkama, utvrđuju se međusobna prava i obaveze Naručioca i izvršioca posla za nabavku advokatskih usluga.

PREDMET UGOVORA

Član 2.

Predmet ovog ugovora je nabavka advokatskih usluga prema prihvaćenoj ponudi, broj: A-01-8/16 od 22.02.2019. godinesa specifikacijom usluga koja je sastavni dio ovog ugovora

Član 3.

Usluge iz člana 2. ovog ugovora obuhvataju sljedeće:

Pravno zastupanje ugovornog organa pred nadležnim sudovima u predmetima po tužbama;

-Analizira potrebnu dokumentaciju vezano za kreditna sredstva u okviru aktivne politike zapošljavanja u periodu 2002-2005. godina i predlaže pravne radnje koje se trebaju poduzeti u cilju povrata istih

-sačinjava prijedloge akata prema nadležnim instancama (Upravni odbor, Vlada i Skupština Kantona Sarajevo) u cilju povrata sredstava u okviru aktivne politike zapošljavanja u periodu 2002-2005. godina

-Pokreće postupke i zastupa u eventualnim sporovima sa korisnicima kredita odnosno komisionim bankama pred nadležnim sudom;

-Po potrebi, na prijedlog Naručioca učestvuje u izradi ili samostalno izrađuje opšte pravne akte;

-Daje preporuke u vezi primjene propisa;

-Učestvuje u izradi općih i pojedinačnih pravnih akata vezano za radno-pravne odnose Naručioca;

-Zastupa Naručioca u svim vrstama sporova sa drugim institucijama;

-Pružava pravnu podršku pri realizaciji pravnih poslova ugovornog organa u skladu sa njegovim zahjevima;

- Prikupljanje i kompletiranje neophodne i postojeće dokumentacije u saradnji sa nadležnom službom Naručioca;
- Pažljivo analiziranje kompletne prikupljene dokumentacije sa pravnog aspekta;
- Ostvarivanje neophodne komunikacije sa nadležnim organima;
- Prisustvuje sastancima na kojima se dogovara priprema i vođenje postupaka;
- U dogovoru sa Naručiocem, preduzimanje sve potrebne pravne radnje pred nadležnim sudovima i državnim organima i institucijama, u cilju zaštite pravnih interesa ugovornog organa;
- Blagovremeno i redovno obavljanje konsultacija i ostvarivanje dogovora sa Naručiocem o svim relevantnim pitanjima u vezi sa postupcima pred sudovima i nadležnim organima;
- Da na ročišta šalje isključivo advokate sa radnim iskustvom od najmanje tri godine nakon položenog pravosudnog ispita;
- Sačinjavanje zapisnika o primopredaji predmeta nakon zaključenja ugovora i da sačini Zapisnik nakon isteka važenja ugovora sa pismenim izvještajem o statusu svakog predmeta pojedinačno
- Minimum jednom mjesečno dostavlja pismeni izvještaj Naručiocu o statusu preuzetih predmeta;
- Ugovorene usluge i poslove izvršava sa pažnjom dobrog stručnjaka, savjesno i u duhu pravne etike.

PLAĆANJE

Član 4.

Naručilac posla će plaćanje cijene izvršiti u roku od 15 dana od dana prijema uredno ispostavljene fakture i izvještaja za izvršenu uslugu, na transakcijski račun naznačen na fakturi. Izvršilac je dužan izdati/sačiniti fakturu u skladu sa odredbama pozitivnih propisa, u suprotnom cista neće biti plaćena i bit će vraćena Izvršiocu na usklađivanje.

Uslovi plaćanja i drugi uslovi koje Izvršilac jednostrano unese u fakturu ne obavezuju Naručioca ni onda kada je fakturu primio, a nije joj prigovorio.

ROK REALIZACIJE

Član 5.

Ugovorene pravne radnje vršit će se u skladu sa pojedinačnim potrebama Naručioca uzimajući u obzir svaki pojedinačni slučaj, specifičnost, kompleksnost spora i pravnu oblast.

OSNOVNE OBAVEZE NARUČICA

Član 6.

Naručilac se obavezuje, po prijemu fakture, platiti usluge shodno važećoj advokatskoj tarifi u FBiH, po poduzetoj pravnoj radnji i ista ne može preći iznos od 1.500,00 KM bez PDV-a za period važenja ugovora.

Naručilac se obavezuje da će za svaki predmet koji se ustupi Izvršiocu ustupiti potrebnu dokumentaciju koja se odnosi na predmet spora najmanje 15 dana prije početka postupka, odnosno obavljanja određene pravne radnje.

OSNOVNE OBAVEZE IZVRŠIOCA

Član 7.

Izvršilac se obavezuje da će sve poslove koji su predmet ovog ugovora obavljati savjesno i odgovorno, poštujući pravila svoje profesije i postojeći pravni poredak, te u okviru advokatskih zadataka i etike maksimalno se zalagati za interese Naručioca.

RASKID UGOVORA

Član 8.

Naručilac ima pravo raskinuti ovaj ugovor u sljedećim slučajevima:

- ako Izvršilac ne izvrši usluge kvaliteta datog u ponudi
- ako poslije djelovanja više sile nije moguće nastaviti realizaciju ugovora

Ugovor se može raskinuti izjavom obje ugovorne strane u pisanoj formi.

Izjava mora sadržavati razlog raskida ugovora.

PERIOD VAŽENJA UGOVORA

Član 9.

Ovaj ugovor se zaključuje na period dok traje potreba za pružanjem pravnih usluga, a ne kasnije od 31.03.2019. godine.

Član 10.

Izvršilac nema pravo zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani od komisije za nabavke u svojstvu člana ili službenog lica prilikom dodjele ugovora.

Ograničenja u smetnji iz stava (1) ovog člana traju 6 mjeseci od dana zaključenja Ugovora.

ZAVRŠNE ODREDBE

Član 11.

Ugovorne strane su saglasne da se na sve što nije regulisano ovim ugovorom primjenjuju važeće odredbe Zakona o obligacionim odnosima.

Član 12.

Ovaj ugovor sačinjen je u 4 (četiri) istovjetna primjerka od kojih svaka ugovorna strana zadržava po 2 (dva).

ZA IZVRŠIOCA



ADVOKAT
Kemal Švrakić
VOGOŠĆA, ul. Jošanička br. 55
SARAJEVO

Kemal Švrakić

ZA NARUČIOCA



vd direktor Muhamed Bekto

